



Ассаламу г'ялайкум!

# БАРХЪДЕШЛА ГЪУНИ

РАЙОННА ЖАМИГ'ЯТЛА-ПОЛИТИКАЛА ГАЗЕТА

№ 19 (81328), МАЙЛА 9, АЛХІЯТ, 2021-ИБИЛ ДУС. БАГЪА 8 КЪУР.

«Путь истины»

1938 ИБИЛ  
ДУСЛИЧБАД  
ДУРАЙУСИ САБИ

ОСНОВАНА  
В 1938 ГОДУ

У ЧРЕДИТЕЛИ:

Администрация МО «Акушинский район»,  
МБУ «Редакция газеты «Путь истины»  
муниципального образования «Акушинский район»,  
Акушинское районное Собрание депутатов.



## «АХЪУШАЛА РАЙОН» МО-ЛА АДМИНИСТРАЦИЯЛА БЕКТИ Г'ЯБДУЛКАРИМОВ МЯХІЯЧ КЪАДИЕВИЧЛА МУБАРАК

Х'урматла районна халкъ!

Урк'и-урк'иларад мубаракдирулрая х'луша Чебях'иси Чедибдешла Барх'ила байрамличил! Ил байрам нушала г'ямрулизиб бег'лара мяг'ничебси саби. Лерилра царх'илти байрумтас ил саби х'улчи. Нушани ишбарх'ли г'анбирках'улра улкала халкълис даршути г'ямру сархибти адапти, Ваг'лан баг'андан алхунти г'ях'г'убзни, дявила майдайчир г'унарти ва г'абзадеш чедиах'ибти бург'антис. Нушачиб чебси саби Ваг'лан берцах'ес бург'ули калунтала барк'удиличи лайик'ятили диэс к'айг'ибарни, дурх'назир ва жаг'илтазир Ваг'лайчи диги, Ваг'лайс мардеш адик'ни, г'ях'г'убзнала г'унартас марли биэсли илдас бярк' бедни. Ах'ушала районна халкълира Чедибдеш сарх'нилизис мяг'ничебси пай ка-бих'ибси саби. Арали датабая лерилра!

## РАЙОННА ДЕПУТАТУНАЛА СОБРАНИЕЛА ПРЕДСЕДАТЕЛЬ АБАКАРОВ Г'ЯБДУЛЖАЛИЛ ДАВУДОВИЧЛА МУБАРАК

Чедибдешла Барх'ила байрам. Ил нушаб бег'лара дурх'аси саби. Цах'набли дун'ялис халаси къадрила байрам саби ил, сецад к'айг'и баралра Россия х'ейгутани, сунела асар камбиах'ес имканх'ебик'уси. Ил байрам саби дун'яла халкъличибад фашизмала балаг' чебарбукнила, миллионти адаптас чула жан дерцах'ес Советский г'яскург'ани кумекбарнила.

Нушани, Россияла адантани, Чедибдешла байрамла х'урмат калах'ес сецад халаси к'айг'и барах'еллира, илцадра г'амадли бирар Чедибдеш сархибтала г'унар ва г'абзадеш х'умх'ертах'ес. Ил сабабли х'ляжатбиркур дявила анц'лбук'уначила, Чедибдеш сархибтала г'абзадешличила дурх'нази ва жаг'илтази имц'али бурес, челябк'алализиб илдачила хабар зяйбик'ули калах'ес. Вирхулра дявтазир сархибти г'унартала, г'абзадешла хабарлис нуша марли калес бажардидирк'ниличис.



## ЧЕДИБДЕШЛА БАРХ'ИЛИЧИЛ!

Чебях'иси Чедибдеш сархибх'ейчирад 76 дус ардяк'и сари. Ц'ак'ьти дявтала майдайчир чула ч'умадеш ва г'абзадеш чедиах'ули бург'утири Даг'ьиста лерилра миллатунала, илдала луг'илилизиб Ах'ушала районнизивадти бург'антира. Ишбарх'илис Ах'ушала районнизив миц'ирли калунси дявтала бут'ак'ьянчи цалра агара. Илдазибад бах'алг'унтани касиб пачалих'ла орденти ва медальти. Мух'ела шилизивадси Сумен К'урбанов Советский Союзла Игит ветатур. Х'инт'ала шилизивадси Мях'яммадов Хизрини Дявила Асилдешла х'лябалра даражала орденти касиб. Ах'ушала шилизивадти Бях'яндов Мях'яммад ва Мях'яммадов Мирзах'яжи Ленинна орденничи лайик'ьикиб.

Дявтала дусмала к'ьянти чекасили, дуги-х'ери цадарили, лерилра х'янчи чули бек'идирули, парг'атдеш агарли бузутири рузбира, рурсбира, дурх'нира, бух'набира. Илбаг'андан Чебях'иси Чедибдешлизиб илдала пайра халаси саби.

Чемадурк'аб халкъличи г'аннала г'ерг'и дявтала балаг'къадар!

Ш. Чупалаев, Ах'ушала ва Сергок'алала районтала Военный Комиссариатла начальникла къуллук'уни дузах'уси.



## ПАХРУМАНИ ДИЦ'ИЛРА

Камкабиубли саби  
Хабарла баг'адурти,  
Аждаг'ала дук'луми  
Г'ярасайзир дячунти.

Буц'лар ц'ала цуг'дайниб  
Ц'уц'ли ц'умх'ебух'унти,  
Тур-тупангла зимана  
Бурги г'яшх'евцах'ибти.

Камкабиубли саби  
Батбух'унти батирти,  
Зулмуртала зидана  
К'ук'муцх'ебиках'ибти.

Х'иличи г'арг'ьти хури  
Хаинх'едиах'убти,  
Г'ярасайла дирк'урби  
Г'язабх'едерк'лах'ибти.

Жанивартала жиндри  
Жиданачи чет'унти,  
Авадан авлах'уни  
Аршили дерх'ях'ибти.

Дубуртази г'уц'лани  
Ц'ализир дац'лах'ибти,

Ваг'ла давла-- ванадеш  
Бек'лил х'лябрг'ях'ибти.

Камкабиубли саби  
Дарга дарубарибти,  
Дубуртала ч'умадеш  
К'ант'их'ебих'убти.

Дурх'нас--ванзала вавнас  
Авлах' дарайбарибти,  
Паг'лисра паг'мулисра  
Тухри г'арзадарибти.

Камкабиубли саби  
К'ьянти дях'яурти,  
Ишди шадти наслубас  
Г'ундури шаддарибти.

Амма лер г'анбикуни  
Г'арх'ели г'арилличи,  
Пах'румани дирк'улла  
Илдала г'унартачи!

М. МЯХ'ЯММАДОВ,  
ДР-ла культурала урибси  
х'янчизар, поэт, журналист.



АСИЛДЕШЛА Х'ЯБАЛРА  
ДАРАЖАЛА ОРДЕННА ВЕГ'И  
ХИЗРИ МЯХ'ЯММАДОВ  
Х'инт'аб бек'лил х'ебилшан  
Хизрила рух'ла шала,  
Х'урбуни дянгаибну  
Аурли шанда къала!



СОВЕТСКИЙ СОЮЗЛА  
ИГИТ СУМЕН КЪУРБАНОВ  
Наслубани х'умх'ерга  
Сумен, х'ела г'абзадеш,  
Х'лушаг'унтани сарну  
Х'ибти талих'и, харидеш!





# ДЯВТАЛА ИГИТУНАС

## ЧЕДИБДЕШ САРХИБТАЗИВАД ЦА



Суратлизи: М. Гямаров.

сегунти кьянти тяхяр-кьяйда ду- илил дявтала: беркеси агарли, гьанкI хлехъили, буцларли биаб, бугярли биаб, селичилра хлехъили, гьарил секундлизив агаркайэс асубирули биалра, чула гямруличила ахли, Ва- тIайчила, халкълечила, чула хъулиб калунтачила пикрибикIули дявли- зи дурабулхъутала уркIазир сецад диэс гIягIнили чIумадеш, гьабза- деш, ургъанна чебалис мардеш!

Иш суратлизи хIушани чейуси ЧебяхIси ВагIа дявтала бутIакьян- чи ГIямаров МяхIяммад Ахъушала шилизивадси сай. Ил гьатIира гIя- хIил вала Дагъистайзив машгурси тухтур ХIянипа ГIямаровла дудеш сай или буралли.

--ЧебяхIси ВагIа дявти дехIди- хъибси замана МяхIяммад ГIяма- ров 29 дус виубси уили сай, хъулиб хIябал биштIатира буили саби.— бурули сари ГIямаровла рузила рур- си, Ахъушала цаибил номерла урга даражала школала бегIлара пагъму- чебти учительницабазирад ца Загъи- дат Будайчиевани.—МяхIяммадла узи ГIябдулла Ахъушала райкомла секретарьли узули уили сай ва, ми- тинг бучили, халкыла гьалав гьай- ухъи, ГIябдулла ГIямаровли бурили сай: «ВагIан урехилизиб саби, во- енкоматли жидарайчи хIерли кахIе- дили, хIуша гIяхIулали дявтази дукъес дигутани уми делкIахъе- ная!» «Дила узини тиладибарисси нуни цаличибалра гьалаб бирис!»

или, МяхIяммадла бегI гьалаб у белкIахъунси сай.

Загъидат Булатовнани сунела нешла узичила дахъал баянти дучи- ли сари. Илдазибад гIячихъирули саби, сецад кьяниси ва бухъанси дявила гъуни ахъилил Ахъушавад- си ургъанни ВагIан берцахъес, фа- шистуназирад мер-муса азадарес багъандан; сержант, старшина, ар- тиллеристунала взводла командир МяхIяммад ГIямаровли Моздок- лизивад Берлинниси бикайчи дя- вила гъуни ахъили сай. Касили сай медальти: «Кавказла оборона ба- гъандан», «Прага азадбатахъни ба- гъандан», «Дявила сархибдешуни багъандан», «Берлин буцни багъан- дан», орден: «ХIунтIена зубари- ла», «Дявила асилдешла» цаибил даражала. Дявтазив кIийна вяхъили уили сай, сагъиубхIели сагали ара- шули уили сай дявлизи. «Отличный артиллерист» ибси ура сархили сай.

--Хъули чархъунси сай 1945- ибил дусла октябрьла 25-личив. МяхIяммад итди бурхIназивал дявтас гьалавра сай узули калунси Ахъуша- ла Ленинна уличилси колхозлизив председатель варили сай. Ил къул- лукълечив узули, Ленинна орден сархисси сай.—даимбирули сари За- гъидат Будайчиевани нешла узичила хабар.—Сецад жагали бирил гьарил байрамличи дурабулхъути, чула михъирличир орденци ва медальти лямцIдикIути дявтала бутIакьян-

чиби! ХIера, Ахъушала шилизив ишбархIи дявтала цалра бутIакьян- чи агара. «ГIямаров МяхIяммад» ибси ула бегIти бургъанти хIябал лебтири, хIябалра арбяхъун гIям- рулизибад. ДурхIнази, бучIантази дявтала бутIакьянчибала хабурти дурес, газетабази лукIес, илдала гьабзадеш ва гъунарти черхIидирес учительтачиб чебси саби ва иличила хъумхIертес кьайгъибирулра.

Дявтала бутIакьянчила урши ХIянипа ГIямаров, машгурси хи- рург ва гIяхIси адам, дахъал дусма- зив Ахъушала районна больницалис бекIдешдирули калун ва ил замана- ла бухIнаб Ахъушала больница рес- публикализиб делIлара гIяхIтала лугIилизи кабурхусири. Чумал дус районна медобъединениелис бекI- дешдирули калун ХIянипа МяхIям- мадовичла урши Камилли. Камилла халал узи Шамил «УЗИ» аппара- тличив узули, Ахъушала районна халкыла баркалла сархиб. БусягIят ХIянипа ГIямаров ва илала кIелра уршира рурсира МяхIякьалализиб хIербирули ва бузули, илабра адам- тала арадешлис кьарауйчиб саби.

Аллагъли бунагъ-хатIа урдуцаб ВагIан багъандан, халкь багъандан бургъули калунтала! ГIяхIгьабза бургъантала гIелаб калунтас диаб даршуги гIямру ва чемадуркъаб ну- шала улкала халкълечи дявтала ках- ти балагъуни!

П. Маллаева.

## ★ГЪАБЗАДЕШ ВА ВАТIАЙС МАРДЕШ ЧЕДААХЪИБ★



Суратлизи: ГI. МяхIяммадов. (Ахъушала ши)

Ахъушала районнизибад ВагIан багъандан бургъули кали саби 3578 адам. ВагIан багъандан алхунтала ва къел-хIерзи агарли бетахъибтала лугIи абиркули саби 1878-личи, хъули чарбухъи саби 1705 адам.

Нушани хIядурбарилли, жуз дураиб- сири ЧебяхIси Чедибдеш 70 дус бь- нилис. Гъанна баянти имцIадарили, жуз сагали дураэс хIядурбирули леб. Гьарил шилизибад чум адам дявтази арбяхъунал, чум чарбухъунал, гьарил- ла къисматличила, бузериличила, ор- дентачила ва медальтачила баянти лер.

Дявтала бутIакьянчибачила баян- ти дурчнила, илди гьанбиркахъули, декIар-декIарти балбуцуни дура- дуркIнила шайчиб цархIилтас гIиб- рагли биубси хIянчи бирули саби МухIела шилизиб. Советский Союзла Игит Сумен Кьурбановра ил шилизи- вадси сай. ХIинтIала шилизивадси Хизри МяхIяммадовли Дявила Асил- дешла хIябалра даражала орденци касибсири. Гьабала шилизивадси ХIясайни Абакаров, Ахъушала шили- зибадти МирзахIяжи МяхIяммадов ва МяхIяммад БяхIяндов Ленинна орденничи лайикьикибти саби. Ул- кала орденци ва медальти сархибтала лугIилизиб леб Ахъушала шилизи- бадти ГIяли МяхIяммадов, ГIямар ТIалхIятов, Цугнила шилизибадти МяхIяммад ХIяжимурадов ва Зал- кип Ражабов, Усишабадти ИсмягIил МяхIяммадов, ГIяли МяхIяммад- гIялиев, ИсмягIил МяхIяммадов, Ахъушабадти МяхIяммад ГIямаров- хъали, МяхIяммадхIяжи Гьалаков, ЗубайрухIяжи Салихов, МухIела шилизибадти ГIябдулла Мусакъади- ев, ГIяхIмадхан ГIисаев, ХIямши- мабадти ГIяли ХIясанов, БабухIяжи ГIябдуллаев, МяхIяммад Гьуруев, Урганивадси Кьурбан МяхIяммадов, НецIивадси ГIябдурашид ХIуммаев, ТIантIала шилизибадти ГIябдулла Шамакъиев, ГIямар ИсмягIилов, Ра- бадан ЯхIяев, Дубримахъилизивад-

си Муса Къасумов, Зильмукъмахъи- лизивадси МяхIяммад СултIанбеков, ГIялиханмахъилизивадси МяхIяммад ГIябдуллаев, Урхъучиммахъилизивадси МяхIяммадкъади БяхIяндов ва бахъал цархIилти.

ХIинтIала шилизивадси ургъан НикIакъади Кьурбанов сунезивси часть Минск шагъарла мякълаб душ- мантани тIутIубарибхIели, мицIирли калунти 22 бурган вацIализи арбяхъи, партизантачил бархъикибти саби. Вахълиагарли урехиагарси дубурлан партизантала отрядла командир ва- рибси сай. Илени бекIдешдируси пар- тизантала отрядли фашистунас халаси зарал барисси саби, мегъла гъундури, эшелонти, гумурби, телеграфла ва телефонна бархбас заядирули. Илди- гъунти гъунарти багъандан Кьурбанов- лис дедибти сари Дявила ХIунтIена Байрахъла орден, ХIунтIена Зубарила орден, ЧебяхIси ВагIа дявтала цаибил даражала ва партизантас лугуси цаи- бил даражала медальти.

Ахъушавадси ЗубайрухIяжи Сали- хIовли Одесса шагъарлизивси операла театрла юрт берцахъибси саби, фашист- тунани баргаэс хIядурбарисси. ГIиса- хIяжи МяхIяммадов дявила награда- бачил хъули чарухъунсири. Чамкуров Ким летчик сайри, 22 дусла гIямрули- чив ВагIан багъандан алхунси.

Цугнила шилизивадси МяхIяммад ХIяжимурадовла батальонни Крым- лизиб Джара бикIуси хIеркI ахъили, плацдарм буцили, хъулчилидиубти ца- къани садаайчи бургъули калунси саби.

Крым багъанданс дергълизив алхунси сай Тебекмахъилизивад- си ГIутбан Ражабов. Илала кисалаб баргисси саби белкI: «Хъя бирулра комсомолецла ва Советский морякIа у цIахIлебарес!» Ражабовла комсо- молла билет, сабира душа мIярхIяли байбяхъибси, Дагъистан Республикала Миллагла музейлизиб бихIули леб.

Чумра хъалибаргли ВагIан багъан- дан бургъахъес 2-3 адам бархъибти

саби ва илдазивад цалра мицIирли чархIевхъунти анцIбукъуни диубти сари.

МухIела шилизивадси ХIунтIе- на партизан ГIябдусалам ГIисаевла хIябал урши, хIябалра офицерти - Кьурбан, БяхIяма ва ГIиса - ВагIан багъандан алхунти саби. Илала юлдаш ГIялисултIан Айгубовлара хIябал урши хъули чарбухъунти ахIен.

Итди дусмазиб фронтлис урчи адилкъули бузутазибад хIябал адам Социалист Бузерила Игитла уличи лайикьикибти саби: Ахъушабадти ГIябдулла МяхIяммадов ва ГIябдулла ГIялимяхIов, МухIела шилизивадси ГIябдулла Уллуев. ГъунибIа районни- зив узули, Социалист Бузерила Игитла у сархисси Булат ГIялиев ХIинтIала шилизивадси сай.

Оборонала хIянчилизиб, колхозуна- зиб бузутазибад 6280 адам лайикьик- ибти саби «Асилси бузери багъандан» бикIуси медальличи. «Кавказла обо- рона багъандан» бикIуси медаль касили саби 830 адамли. Фронтлис кумеклис дурхъули дуили сари арц, мургъила матяхIл, ризкъи, дьгъ, гулби. ЧIянкIли ца 1942-ибил дуслизир- цун дучили, дархъили сари районна халкыла шайзирад 5 миллион кьуруш арцла. МухIела Кировла уличилси колхозлизиб бузутани дархъили сари 440 азир кьуруш арцла, 1200 кило- грамм рангла металла, 55 урчи ва 200 урчила уркура. Ахъушала Ленинна уличилси колхозлира кумеклис дахъ- ал секIал дархъибти сари.

Дявтас гIергъити дусмазир шими ва шагъурти сагадирнила баркъудилизира Ахъушала район- на халкыли халаси пай кабихъибси саби. Севастополь шагъар сагаба- рахъес ца миллион кьурушличи гъамли арц, гIяхIцад берк-бержла продуктуни дархъибти сари.

З. Мирзаева, музейла директор.



Суратлизи: К. Чамкуров (Ахъушала ши).



# ДАИМ ИКРАМДИКІЕХІЕ! ★

## ★ ГЪАБЗАДЕШ ЧЕДААХЪИБ ★

Ватлан багъндан бургъес арбякунтири гъяхіцад жагъил адамти Гіантлала шилизибадра.

Илди-ургаб лебри Къурбанов Мяхіаммад, Гъяхімадов Мяхіаммад, Исмаглілов Гъямар, Шамакъиев Гъябдулла, Мустапаев Булат, Къурбанов Гъяли, Хіясилаев Мяхіаммад, Хедаев Къурбан, Мансуров Мяхіаммад, Никіатуев Гъяли, Яхіъев Рабадан, Къурбанов Ражаб, Хіясанов Рабадан, Къурбанов Муса, Гъямаров Гіиса, Гъямаров Нурмахіаммад, Мяхіаммадов Мустапа, узби Шяхібан ва Мяхіаммад Мяхіаммадовхъали ва цархілти—илди лебталалра уми делкі сари шилизиб дявтала бутлакъянчибала хіурматлис барибси памятникличичи.

Гъяхімадов Мяхіаммад дявтазивад сукъурвиубли чарухъунсири. Иллини бурули вири, сецад цаќьти дявти саррил, секъяйда цабиубли Ватлан батахъес лерилра миллатунала адамти дурабухъунтирил. Сай биалли Прибалтикализив ургъули калунсири. «Мяхълаб тупла хіярхія баргердиди, гъянжила бабза къатли клапварили, дуравхъес хіейрули гъяхіцадхлі къайгънавиркъаси. Дявлис гъергъи командирли мицірли лебалти бургъанти бучили сай, илди-ургав ну агарли, кабушибти ва бяхъибти-ургавра агархели,

«къел-херзи агарли ветахъиб» ибси кагъар бархъибси сай хъули. Ну биалли гъянжила бекіализивад дуравхъес бажардинкира, госпитальлизив калунра, гіурра ургъес арякъунра».—илгъуна хабар бурули вири Польшализи бикайчи дявила гъуни ахъибси ургъанни.

«Польшала халкъ советский бургъантас разили гъунибиутири, чула лебси берк-берж гъалабирхъусири».—или бурули вири. Польшализив деклі вяхъили, чехіебианвиубли, хъули вархъибсири.

Къурбанов Муса Ленинградла блокадализив калунсири. Илала узикъар Къурбанов Айгубли Ватлан багънданти дявтази бархъиб авал урши: Сулайбан, Къурбан, Гъяли-Къурбан ва Гъямар. Бакліб бегітаци къудкъуси кагъар Сулайбанна чебқад: «Хіушала урши къел-херзи агарли ветахъиб».

Къурбан чарухъун инвалид ветаурли. Гъяйсначив вашули, шантас кумеквиэс, колхозла хіянчи бекідарес узусири или бурули бирар. Амма дяхъурби ламартла урдухъун ва ил жявли гъямрулизивад арякъун.

Гъяли-Къурбан дявтазивад чарухъунхелли истребительный отрядлизи керхур, вайберхурти, ваціурбази дягъянбиркути вайгъубзни буцес вашусири, илдази

саби гъяхіулали някъла бакла хъес маслигъитбурусири. Цагъачам биалли къачагъуни илис укабииб ва уцес къасбариб. Къачагъунала някъла хіейкес багъндан Гъяли-Къурбанни виругъев урчи дуцібариб. Дугила цядешлизиб урчи къадала гъяхікабухъун...

Авъэсил урши Гъямарлисцун, сайра 1946-ибил дуслизив хъули чарухъунси, дудешла хіябличичи къулгъуличичи вашес къадарбиуб...

Ишбархлі Гіантлала шилизив дявтала бутлакъянчи цапра агара. Вегіла гъергъиси бутлакъянчи Къурбанов Гъяли, М. Горькийла уличилси колхозла вахъхіила бухгалтер, гъямрулизивад арякъунхіейчирад чумал дус дикили сари.

Шантани хъумуртули ахлен чула гъяхігъубзначила, школализир, культувала Юрглизир дявтала бутлакъянчиби гъанбиркахънелис хасдарибти балбуцуни гъаман детурхули сари. Школала бучлантани дявтала бутлакъянчибала дявила гъуниличила баянти дучили сари, школализир лер дявтала бутлакъянчибала суратуни, белкі саби илдани касибти наградабачилара. Чедибдешла Бархіила байрамлис гъар дус хасси программа хіядурбирули саби. Дурхінани назмурти дучули, сочинениеби луклули сари дявтачила.

М. Ванатов.



Суратлизиб: ГІ. Шамакъиев.



Суратлизиб: М. Къурбанов.

## ДУСМИ АРКЪУЛИ, ГЪАНБИКУНИ КАВЛУЛИ...



Суратлизиб: (Редакцияла архивлизибад) 2011-ибил дусла Чедибдешла Бархіила байрам.

Иш сурат касибси саби веціал дус гъалаб-- 2011-июил дуслизиб. Чебяхіси Ватла дявтала бутлакъянчиби чумра буили саби итхелли мицірли. Ишбархіилис агара нуша-ургав цапра. Суратлизиб леб цархілти адамтира, гъанна нуша-ургаб агарти: хабарла Писки Мяхі, Насрулла Гъямаров, Абдуряхіман Мингъажев, Загъидат Хіясанхіяжиева...

Замана хъярхъли аркъули саби, шахрахлейкили, алавибурули саби гъямрула дус. Гъергъиси замана даклубиубси коронавирусла изай имканбиклахъули ахлен халкълис итцад дигуси ва ахерси Чедибдешла байрам гъалаб къяйдали дурабурклахъес. Гъямрули гъеббурусиван саби адамтази—цали ца мяхікамбирахъес, дяхлі-хатирличил, хіурматличил, сабуриличил хіербирахъес.

Дунъяла дахъал улкнас коронавирусли палакатдеш хиб. Илдазибси аги хіясибли Россия гъяхіил гъуйчибиркули биъниличичи разидиубли, гъатли дявти детхеахъес узуси Россияла Президентла къайгъилис баркалладиклули, агарбиубти гъанбиркахъес ва цадалги хіердиэс чебси саби нушачиб ибси пикри алклахъули саби иш суратли.

## «Гъанбикунала анхъ» биклуси акция бетурхули

### МУХІЕЛА ШИ —ЦАРХІИЛТАС ГІИБРАТ

Советский Союзла Игит Сумен Къурбанов аклубси Мухіела ши гіибрат саби Чебяхіси Чедибдешла, дявила асилдешла, гъабзадешла хіурматбирнила шайчиб. Ишар гъар дус дахъал балбуцуни дурадурклули дирар Чедибдешла Бархіилис багъишладарибти.

Сагид Гъябдуллаевла у бихуси лицейла бучлантани 202 галга удатур,-- Ватлан багъндан алхунти Мухіела шилизибадти бургъанти гъанбиркахъес. Галгуби удатур гъунила дубаникад ва дубурла бяхілизира.

Илгъуна балбуцла

хлекълизиб Мухіела шила администрацияла бекі Ислам Муртазаевли ишкъяйда буриб:

--Мухіела шилизибад Чебяхіси Ватла дявтази арбякъунти саби 400-личибра имціали бургъанти. Илдазибад хъули чарбухъунти ахлен 202 адам. Бахъалгъунти чарбухъунти саби дявила наградабачил. Советский Союзла Игитла уличи лайикъикибси сай Сумен Къурбанов. Нушала шила шантани, лицейла ва гимназияла бучлантани ва учительтани Ватлан багъндан алхунти гъанбиркахъес, илдала гъабзадеш ва гъунарти хъум-



Суратлизиб: галгуби удалтули бузути уршиби- рурсби.

хіертес халаси къайгъи бикъридеш дирули сари гаси анхъ убатнила барбирули саби. Иличила бусягъят бетерхурси са-

къудилира.

«Ахъушала район» МО-ла администрацияла пресс-служба.



# ★ ДУШМАН ДУБУРТАЗИ ХІЕКІАХЪЕС ★

(Патимат Къайтбековала «Гямрула гъундури» биклуси жузлизибад бутла)

...Душма гъяскурти Кавказлизи мурхъдиклури. Гъамдиклури илди Дагъистайчира. Окопунди диркъахъес районнизибад адамти бархъес хъяжатири Дергълизи хъябкъи калунти бухънаби ил хъянчиличи бархъиула.

Цацали, киклили ва къукънадли адамти тлаб-бирула, илдачил ихтилатди-клурла. Иша камти гъямрула дурхъя ухънаухъун. Иличир мекелли уржибти къачалайла къижирмайти сари. Палтарлизивадра ункъли валкъаурли сай. Чулгъабла арълизи биштласи ханжал хъячбарилли сай. Иличи хъулби дархъизур дила ва дебали хъисабварра.

--Урши, хъу селичи ва-клибсирив?

--Оборонала хъянчиличи укъес ваклибсира.—Мармарли кайзурли жаваб чарбалтули сай.

«Бецла хъулбазирад ца алтан сай». Гъанбикиб дила урклилис, илизибад дурбухъунси гъабзалагъуна гъайла бакъибхъели ва серхурти хъулби чедаибхъели.

--Чила сайри, урши?  
--Дайшавси Мяхъяммадхъала.

--Хъу виштлалригу, дила урши?

--Виштласини къузбараллира къелхъе алтан,-- иша кабибти лебилра дукарбъахъиб. Шила Советла секретаръли хозяйственная книга ругбъахъиб. Дурхъя вецну урегра дус виэс авал баз лерал.

Иша ухънаулхъули сай дайшукла бригадир ГъямарКъади.

--Хъуни иш дурхъя жи-варрив?

--Ишдала рузи рархъес вякъунсиригу, ну гъалав левли рузи хъерурхъисра или сай ваклибси сай.

--Гле,--илала марбирули сай дурхъяли,--гъачам къапла чебибси ну гъалав левли, рузи сен ратиусив?

Тамашаличил хъерди-клурла илала куцличи.

--Ханжалра архусив?

--Гле, гъалар нушала халадудешунани касибтири ханжулти, гъанна нушачи ярга баили саби.

Дахъал секлал урклиличи даклахъиб ил дурхъяла жавабтани.

Ил дурхъяла дудешра клелра халати узира дъавта-

зиб саби. Гъанна сай канавти дуркъес аркъули сай. Хъулиб кавлули саби изуси нешра халалгъуна рузира. Къабул-кадикира нуша ил ватаэс. Нешлис шуцлали килограмм ризкъила дедахъес кумекла кассаличи белкунси кагъар уршилизи гъабуцира. Ил белчи урши пишъахъиб:

--Нешли ишди деркайчи, Гитлерлизи дацти хунжи кайсахъеле!--иб.

Дурхъя нуни гъанна гъахъил вагъурра. Дахъал масхуртар, таввакал адам вири илала дудеш Мяхъяммад. Граждан дургъбазир илини чедаахъибти гъабзадешличила хабурти дурули бирар. Саберхурти, шилизибра бурибти гъахъибти гъабзадешилла адам сай ил урши.

\*\*\*  
Нушани клиэсил къукъа оборонала хъянчилизи бархъилла. Ца жумягъ гъалаб гехъларш адам батайра. Илди цаибил Мяхъякъалализиб, Сергокъалала районнизиб, Чирюртлизиб окопунди икъули, аэродромти, танкабачи къаршити гъабизлуми дирули бузули саби.

Гъанна 1600 адам Бабаяуртла районнизи аркъули саби. Ил полкка командир сай Балхъарла шилизивадси вахълила коммунист Ибрагъимов Хъясан. Полкка комиссарла хъянчи набчи хъарбирули саби. Азирлим урегдарш адам, хъяцланну урчлемера уркура...

Мегъла гъуниличи бикайчи нушаб транспорт агарси саби. Буйнакъск шагъарлизи бикайчи халкъ башахъули арбукек хъяжати саби. Гле, урчлемцлали километрла гъуни ахъес гъамадли ахъен, илхъелира бяхъяэс агарси янила бугъярдешлизиб.

Ну машиналичир Лаваша раклира ва халкъ кабаайчи ишар тлашризес къасбарира.

Машиналичирад дурарухъунхъели набчи гъамирули сай баягъи дайшавси Мяхъяммадла дурхъя. Илала къакъличиб дебали балги саби сунела ваяхъли бицлибси гавлаг.

--Хъуни ишаб се бирулри?--хъарбиула.

--Продуктуначи баклибси военныйтала машина къаршибикили, итичи айили ваклибсира. Нушала адамти мурт кабиура?

--Дахъайс иша кабаили

бизес гъягъли саби. Хъу къацли укирив?

--Къац дила къакъличиб саби.--къакъличибси чебаахъиб, белхъунси бухъмуяра къацла дурасиб, дила гъала кадихъиб.

Лавашала паркла дайлизи кабихъибси скамейкаличи кадили къацли дукулра. Кел биштлал дурхъя нушачи гъамбиуб. Цала къашмачир дурдибти ботинкаби сари, гъаркадаклили чъянклути гумри чедиули сари. Итилла къашмачир бизинклини сари. Халасили челгъули кали урдушибтигъуна сари. Цалалра къашмачи бергурси секлал агара. Бяргили саби, багъеслигу, гушлара саби. Дулгъунази някъбири хъячларили, руржули саби, нушачи ванали хъербиклули саби.

--Даширая, дурхъли, даширая,--урклеци духъи нушачи жибарра. Хъизбуллагъи цаца кесек бухъмуялара къацла бутнира гъадуциб. Виштлалгъунала някъбачи цудара кам чедиурли саби. Ашкарли, ил дурхъяла някъби дахъли дирцили ахъен.

Хъизбуллагъли виштлалгъуна дурхъялиси гъадуцибти къацла бухъмуяра чардариб ва харчизурли айзурли илала някъби дяхъиличил дирциб.

--Валликъяна, вегъла члу-маси мурул ветаруд. Гъари ца, дабри чердати.

Дурхъяли ца дабри чебабатурли, къаш гъабуциб. Къашмачиб гъатлира халаси хъегъла къат саби. Хъизбуллагъли сунела хъяка чебатур ва илала къашмира дяхъиличил дирциб. Гъур гавлаглизи ветухъун ва иларад дурасили марсагаси полотенцела кел дариб, дурхъяла къашми дергурли дабри чегъахъур.

--Гъанна укен, валликъяна, къацли,--бухъмуяра къацла дедиб.

Левглев серхурси адам вири Хъизбуллагъла дудешра. Дайшукан Мяхъяммад дъвти дехъидихъибти бурхъназив сай гъахъулали дергълизи арукъни гъанбикиб. «Гъарли-марси игит сай. Мурталра набчил варх вихъисра».--пикрирухъунра ну, къакъличи гавлаг балбиркахъуси Хъизбуллагъличи хъерриклули.

\*\*\*  
Лавашала больницала хъябличибад цлуба чабнала бегъти

дурабикибхъели, сягъят шулизиб бузулри. Нушала адамтани ишдуги Лавашаб берклес гъягъли саби. Жягъял дуги Дуранкъиб бурклучи саби, цахъели дуги Буйнакъскла станциялизибад поездличи абизес гъягъли саби.

Нуша къацли дукулели Хъизбуллагъли набзирад илдигъунти баянти касиб. Гъанна нунира командир Хъясайра лавашакунтла азбуртази адамти ва урки мерладирула. Хъизбуллагъ веткахъиб. Бархъли ахъили саби, ил ну лерихъли даклуулхъули ахъен. Хъарбиула, умцула--агара Хъизбуллагъ. Ил урклиличивад аркъули ахъен. «Патимат, жагъял дуги чинаб бурклучив?» цахъели дуги чинаб бурклучив?» ибти илала суалти гъандикиб, къацли дукес кадибхъели набзи хъардаибти.

Адамти мерлабарира. Хъясанра нура гъур барес гъягълисиличила вгъдаладиубра. Нуни Буйнакъсклизи гъуни буцира. Жягъял ахъи цахъели иша кабиути адамтас берк-берхъ хъядурдарес гъягъли саби. Нушаб вагонти мурт диралар багъес хъяжати саби.

Буйнакъсклизир дарес гъягъли гъурра дахъал секлал лер. Лебилра нушала адамтас саби аркъуси мерличи бетаайчи даари продуктуна талонтара сасес гъягъли саби.

«Хъизбуллагъ чинавара? Ил лаг арякъунара, катхъел арякъунара?»--уркли хъарбиклули саби набзи.

Ну арибси «Газик» Буйнакъскла станцияла гъала тлашбизур. Нуни шоферли баркалла багъахъурра.

--Баркаллани ну къацли хъелхара,-- бекл цагъеб шурбатурли жаваб гив илини набзи.

--Агъа, аргъира хъела мурад,-- нуни пиджакла кисализи някъ бурхълубра.

--Се дариша наб арц? Илдас лугуси се леба?--хъябхъябал туме хъябал кагъар илини гъела чардариб. «Давла-лаб, ишала ламус гъур селичил чебахъиша нуни? Дила арц ахъенси гъур секлал агарагу, се бирусира?» шоферличира гъела кабибти кел гъатли военныйли-чира хъерриклули, пикрири-клурла.

(Ахир бирар).



ГАЗЕТАЛА  
БЕКІ РЕДАКТОР  
П.Ш.МАЛЛАЕВА  
8-260-21-2-20



БЕКІ РЕДАКТОРЛА  
ЗАМЕСТИТЕЛЬ  
М. М. МЯХЪЯММАДОВ.  
Тел. 8928-872-58-85



АДРЕС:  
368280  
АХЪУШАЛА РАЙОН,  
АХЪУШАЛА ШИ.  
«БАРХЪДЕШЛА ГЪУНИ»  
ГАЗЕТАЛА РЕДАКЦИЯ.  
сайт: путь истины.рф  
эл.почта:put-istiny@mail.ru



ГАЗЕТА  
КАБЪАХЪИБСИ САБИ  
МЯХЪЯКЪАЛАЛИЗИБСИ  
«ИЗДАТЕЛЬСКИЙ ДОМ  
ДАГЕСТАН»  
ТИПОГРАФИЯЛИЗИБ.  
АДРЕС  
ИЗДАТЕЛЯ И ТИПОГРАФИИ:  
РЕСПУБЛИКА ДАГЕСТАН  
ПР. ПЕТРА ПЕРВОГО, ДОМ №61  
ТИПОГРАФИЯ «ИЗДАТЕЛЬС-  
КИЙ ДОМ ДАГЕСТАН»  
т. 88722-65-00-51.



ГАЗЕТА  
ЖУМЯГІ БАРХІИ  
ДУРАБУЛХЪУСИ САБИ



КЪУЛБАСБИРУСИ ЗАМАНА  
17 СЯГІЯТ.  
КЪУЛБАСБАРИБСИ  
ЗАМАНА 17 СЯГІЯТ.



АВТОРТАНИ  
ЧУЛА МАТЕРИАЛТАЛА  
ХІЕКЪДЕШЛИС ВА  
БАРХЪДЕШЛИС ЖАВАБ  
ЛУГУСИ САБИ.



ГАЗЕТАЛИС  
КЪУЛБАСБАРЕС ВИРАР  
ДИГАЛЛИ ПОЧТАЛА  
ОТДЕЛЕНИЕБАЗИБ,  
ДИГАЛЛИ РЕДАКЦИЯЛИЗИБ.  
ГАЗЕТАЛА ИНДЕКС 51345

Тираж 1000 экз.



# ИГИТ СУМЕН КЪУРБАНОВЛА НАСАБЛИЗИБАДТИ БУРГЪАНТИ



Суратуназиб: Р. Суменов,



ГІ. Суменов,



С. Суменов.

Мухъела шилизивадси Советский Союзла Игит Сумен Къурбановла насаб-

лизибадти дурхънаннира Ва-тла гъалабси чебла асилдеш-личил таманбирули саби.

Ишди хъушани сурату-назиб чебути жагъил урш-би Рабадан, Гъядулла ва

Салам Суменовхъали буса-гъят Россияла гъяскуртазиб къуллукъбирути бургъанти саби. Илданира баркалла-личил чучи хъарси чебла ихъули, Суменовхъала на-сабличила хъурматла хабар гъатлира ахъли зяйбикла-хъули саби.

Сумен Къурбановла хъалибарглизибад дур-бухъунти лебтасалра диаб гъямрулизир гъарбизуни, ара-сагъли хъули чарбу-хъаб Вагълайс къуллукъби-рути дурхълини!

С. Гъядуллаева,  
нушала корр.